



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-007-4/25**
Datum: **26.03.2025. god**

«Agencija za vodno područje rijeke Save» Sarajevo rješavajući po zahtjevu pravnog lica «CENGIZ INSAAT SANAYI VE TICARET AS» Podružnica Zenica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta postrojenja asfaltne baze privremenog karaktera u naselju Donja Golubinja, općina Žepče, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «CENGIZ INSAAT SANAYI VE TICARET AS» Podružnica Zenica, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta postrojenja asfaltne baze privremenog karaktera kapaciteta 240 t/h instaliranog u naselju Donja Golubinja, na zemljištu označenom kao k.č. broj: 568/5, 568/15, 568/48 i 568/65 K.O. Golubina, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 2.1. Da se upotreba i korištenje instalirane opreme postrojenja asfaltne baze na predmetnom lokalitetu vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se onečišćene oborinske vode sa dva betonirana platoa za vozila odnosno prostora pretakališta, prikupljene zasebnom kanalizacionom mrežom sa slivnicima, nesmetano odvođe na tretman u separator ulja i masti izgrađen za potrebe tretmana onečišćenih voda nastalih na trasi autoputa na koridoru Vc, poddionica Poprikuše - Nemila. Prečišćene vode iz separatora se, preko okna za monitoring, ispuštaju u rijeku Bosnu.
 - 2.3. Prečišćene otpadne vode, prije ispuštanja u recipijent – rijeka Bosna moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte koji se koriste u svrhu prikupljanja, odvodnje i tretmana onečišćenih otpadnih voda nastalih na predmetnom lokalitetu (kanalizaciona mreža, slivnici, separator ulja i masti...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.5. Čišćenje i održavanje separatora ulja i masti te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja i masti u periodu korištenja istog kao i preuzimanje drugog otpada nastalog na predmetnom lokalitetu.
 - 2.6. Sadržaj (mulj) iz separatora ulja i masti se ne smije ni privremeno odlagati na česticu «vodno dobro», odnosno u vodotok i na njegove obale.
 - 2.7. Da se skladištenje bitumena vrši u dva nadzemna rezervoara ukupne zapremine 100 m³ (2 x 50 m³) smještena u samu konstrukciju postrojenja.
 - 2.8. Da se rezervoari bitumena redovno kontroliše na vodonepropusnost tj da se vrši periodično ispitivanje istih te poduzimaju odgovarajuće mjere u cilju sprječavanja akcidentnih zagađenja usljed eventualnog curenja iz rezervoara.
 - 2.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 2.10. Da se na predmetnom lokalitetu, osiguraju priručna sredstva za brzu intervenciju u slučaju nekontrolisanog curenja termalnih tečnosti, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.11. Da se rabljena ulja i sličan otpad skladišti u odgovarajućoj ambalaži u natkrivenom prostoru do konačnog zbrinjavanja od strane ovlaštenog pravnog lica.
 - 2.12. Vlasnik odnosno korisnik postrojenja je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.13. Vlasnik odnosno korisnik postrojenja je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik postrojenja je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog postrojenja obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog postrojenja obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «CENGIZ INSAAT SANAYI VE TICARET AS» Podružnica Zenica, dana 06.01.2025. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih otpadnih voda u prirodni recipijent sa lokaliteta postrojenja asfaltne baze privremenog karaktera kapaciteta 240 t/h instaliranog u naselju Donja Golubinja, na zemljištu označenom kao k.č. broj: 568/5, 568/15, 568/48 i 568/65 K.O. Golubina, općina Žepče.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjereni kopiji Rješenja o registraciji podružnice stranog društva broj: 043-0-Reg-22-001310 izdatog dana 09.12.2022. godine od strane Općinskog suda u Zenici,
- Kopija Rješenja o okolinskoj dozvoli broj: UPI 05/2-23-11-144/19 za projekat Autoceste u koridoru Vc dionica LOT 2 Doboju Jug (Karuše) – Sarajevo (jug) – Tarčin u ukupnoj dužini 145 km izdatog dana 27.09.2019. godine investitoru JP Autoceste Federacije BiH d.o.o. Mostar od strane Federalnog ministarstva okoliša i turizma,
- Kopija Rješenja o odobrenju za građenje autoceste na koridoru Vc, poddionica Poprikuše – Nemila broj: UPI/03-19-2-126/22 izdatog dana 11.07.2022. godine od strane Federalnog ministarstva prostornog uređenja (izdato za JP Autoceste Federacije BiH d.o.o. Mostar),
- Kopija Rješenja o vodnoj saglasnosti broj: UP-1/21-2-40-100-2/22 izdatog dana 02.03.2022. godine od strane «Agencije za vodno područje rijeke Save» Sarajevo (izdato za JP Autoceste Federacije BiH d.o.o. Mostar),
- Kopija katastarskog plana izdatog dana 30.09.2024. godine od strane Službe za graditeljstvo i prostorno uređenje Općina Žepče,
- Kopija Posjedovnog lista broj: 814 izdatog dana 27.09.2024. godine od strane Službe za graditeljstvo i prostorno uređenje Općina Žepče,
- Projekat izvedenog stanja vanjskog uređenja sa odvodnjom privremene asfaltne baze na dionici autoceste Poprikuša-Nemila Investitor «CENGIZ INSAAT SANAYI VE TICARET AS», korisnik JP Autoceste FBiH, urađen od strane «TEAM HIDRO» d.o.o. Sarajevo, decembar 2024. godine – na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog postrojenja asfaltne baze u naselju Donja Golubinja, općina Žepče i tom prilikom je sačinjen Zapisnik o uviđaju broj: UP-1/21-3-40-007-3/25 od 12.03.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetno postrojenje asfaltne baze locirano je na lijevoj obali rijeke Bosne u naselju Donja Golubinja, općina Žepče. Postrojenje je privremenog karaktera i instalirano je za potrebe izgradnje trase autoputa na koridoru Vc, poddionica Poprikuše – Nemila na lokalitetu budućeg odmorišta. Kapacitet proizvodnje je 240 t/h, proizvođač AMMAN marka Black Move.

Proizvodnja asfalta se odvija pomoću nekoliko odvojenih tehnoloških cjelina: sistem pred-doziranja agregata sa transportom istog do sušare; sušenje agregata sa transportom istog do sita; sistem otprašivanja agregata; sistem prosijavanja, vaganja i miješanja; sistem skladištenja i doziranja bitumena i drugih dodataka; sistem skladištenja gotove asfaltne mase; sistem za dodavanje vlaknastog granulata; sistem upravljanja - upravljački kontejner. Sve tehnološke cjeline objedinjene su u jedinstveni tehnološki postupak.

Bitumen se skladišti u 2 nadzemna rezervoara zapremine po 50 m³ smještena u samu konstrukciju postrojenja a zagrijavanje komponenti asfaltne mase se vrši pomoću električne energije.

Na lokalitetu gdje je instalirano predmetno postrojenje izvedena je unutrašnja odvodnja trase autoceste od stacionaže km 7+750,00 do km 13+218,70 uključujući odvodnju rampi, kružnog toka, naplatne stanice i COKP-a prema projektnoj dokumentaciji - Građevinski projekat unutrašnje odvodnje autoceste, saobraćajnih površina, naplatne stanice i COKP-a (KNJIGA D 1110) urađen od strane «HIGRACON» d.o.o. Sarajevo 2021. godina na koju je od strane ove Agencije izdato Rješenje o vodnoj saglasnosti broj: UP-1/21-2-40-100-2/22 od 02.03.2022. godine.

U sklopu postrojenja izgrađen je jedan betonski plato namijenjen za zaustavljanje vozila/cisterne za istakanje bitumena u rezervoare a drugi plato je namijenjen za zaustavljanje vozila za prihvatanje gotovog asfalta. Onečišćene otpadne vode sa prostora ova dva platoa za vozila odnosno prostora pretakališta koje mogu biti opterećene naftnim derivatima kao i suspendovanim materijama prikupljaju se sistemom slivnika i kanalizacione mreže te preko revizionih okana odvoje na tretman u separator masti i ulja (40/400) koji je instaliran za potrebe prikupljanja onečišćenih otpadnih voda (unutrašnja odvodnja) buduće trase autoputa na koridoru Vc, poddionica Poprikuše - Nemila. Nakon tretmana u separatoru ulja i masti, prečišćene vode se preko okna za monitoring ispuštaju u rijeku Bosnu.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog postrojenja u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «CENGIZ INSAAT SANAYI VE TICARET AS» Podružnica Zenica, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje oborinskih onečišćenih voda u prirodni recipijent sa lokaliteta postrojenja asfaltna baze privremenog karaktera kapaciteta 240 t/h instaliranog u naselju Donja Golubinja, općina Žepče, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-007-2/25 od 21.02.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «CENGIZ INSAAT SANAYI VE TICARET AS» Podružnica Zenica
ul Štrosmajerova br 11/II, 72000 Zenica
- ➔ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava